



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Res Coloniae gestae.

urn:nbn:de:hbz:466:1-41515

non modò culpa, sed etiam suspicione, vel ipsius
 conspectus liberabat: adeo non modò integerrimus
 corpore, ac mente erat, sed grauitatem, sancti-
 tatemq; spirabat.

*Canisius Co-
 loniam ex-
 currit.*

Qui dum Vornatiæ collocutio propter ad-
 uersariorum dissidia pendet, sub finem Octobris
 Coloniam Agrippinam excurrit. Aduocabatur
 eo cupidissimè & à Sociis, & à Ciuibus: & spera-
 bat apud utrosq; operam positurum cum fructu.
 Quin etiam ipse Lainius innuerat rem sibi fore
 per gratam, ut Collegij statum cognosceret. Ex-
 ptus est Colonix plausu mirifico, tota Ciuitas
 quasi ad hominem diuinum visendum vndique
 confluente, Groppero in primis triumphante. La-
 tatus & ipse summopere est Coloniensis Collegij
 profectu, præsertim cum videret ex aliis quoque
 Collegiis scholasticos iuuenes fere ducentos sa-
 cramentorum causa ad Patres adire. Spem itaque
 præcepit amplissimam inde in multorum Colle-
 giorum subsidia egregios viros prodituros: qui
 nimirum spes postea nihil sefellit. Vnica labora-
 bant rei familiaris difficultate, non modico ære
 alieno pressi: quod Canisius ipse dissoluit exacta
 pecunia, quam olim de patrimonio suo in usus

*Res Colonie
 gestæ.*

eiusmodi destinarat. Effecit etiam vt traderetur Patribus suggestus in celeberrimo sanctæ Vrsulæ templo, cum antea sepe eis locus ad euangelizandum deesset. Ipse verò octo dierum spatio (non enim longiorem ab Colloquio com meatū impetrarat) concionatus est sæpissime in æde principe, alibiq; cum germanice, tum Latine innumerabili auditorum numero, præsertim die Sanctis omnibus sacro, quo multa hominum conuenisse ad audiendum millia dicebantur. Liberatus deinde VVormatiensi Colloquio, cum vndiq; Ecclesiarū necessitatibus aduocaretur, haud diutius censuit piam postulationem frustrandam Argentoratensium Episcopi, & Canonicorum.

Conuenit Episcopum ad Tabernas Alsatias 1558.
 quinq; ab Argentorato procul milliaribus mensura gentis. Aberant ij, cum quibus agi volebat *Argentoratensium Episcopum conuenit.*
 Antistes de institutione Collegij: idcirco prope mensem retentus est, habitusque quasi Angelus Dei, atque interim populum iussus diuino verbo reficere, ac per natalitias Domini ferias etiam sacramentis ministrandis obire Pastoris vices. Apud *Multa bene gerit.*
 Aulicos præcipue fructus laborum constitit. In Iudo quoq; Catechismum pueris tradidit, explicauit.